

後漢書疏證

後漢書疏證卷九

吳 沈欽韓撰

獨行傳

譙永始二年

按成帝紀二年三年均有日食之異舉惇樸遜讓行義
在三年

皇太子多橫夭折

何焯曰太字衍

故久稽耶官

華陽國志成哀之世爲諫大夫

健爲費貽

華陽志貽字奉君南安人也蜀中歌之曰節義至人費
奉君不仕亂世不辟惡居修身於蜀紀名亦足

李業猜疑寇心

按此公孫述之使者語不應目述爲寇袁宏紀作阻疑
眾心爲得之

皆託青盲

釋名目生膚入眸子曰浸浸侵也言侵明也淮南俶眞
訓梲木色青翳而羸瘡蝸眈注梲木瘡人目中膚翳故
曰色青翳羸蠹薄羸蝸眈目疾也今俗謂之雀盲

劉茂為沮陽令

一統志沮陽故城在宣化府懷來縣南

元初中鮮卑數百騎寇漁陽太守張顯率吏士追出塞

按殤帝紀延平元年四月鮮卑寇漁陽太守張顯追擊戰沒鮮卑傳亦在延平年此云元初中誤

至厭次河

明統志厭次城在濟南府陵縣東北三十里元和志滴河在棗州厭次縣南四十里滴河縣北十五里漢成帝鴻嘉四年河水泛溢為害河隄都尉許商鑿此河通海故以商為名後人加水焉舊統志即濟南府臨邑縣大

土河之下流也按漯河俗名大土河流經武定府惠民縣南東經濱州入海今堙

小吏所輔

穀梁傳隱九年俠卒俠者所俠也范甯云所其氏疏云尹更

始云所者俠之氏廩信以爲所非氏所謂斥也則所姓或出於魯應劭云宋大

夫華所事彼固以華爲氏矣不得指爲所氏所出

溫序六年遷護羌校尉

按帝紀建武九年復置護羌校尉官西羌傳班彪上言舊制涼州部置護羌校尉今宜復如舊光武從之以牛邯爲護羌校尉漢官儀曰護羌校尉官因王莽亂遂罷

蓋牛邯最初爲之且前此涼州爲隗囂竇融所據無庸
置此官也傳在六年誤矣通鑑只作校尉爲是

爲鄒平侯相

一統志鄒平故城在今濟南府鄒平縣北

乃反舊營焉

營當作塋元和志溫序墓在太原府祁縣西北四十里
一統志在縣西北修善村

彭修西部都尉辛鼂

按建武六年省諸郡都尉然金石錄有永平八年所造
會稽東部都尉路君闕則邊徼未嘗省也元和姓纂宰

以官爲姓漢有司空掾宰直卻不知引此

請修守吳令

北堂書鈔謝承書曰海賊丁義欲向郡郡內驚惶不能
捍禦大守聞修義勇請守吳令身與義相見宣國威德
賊遂解去民歌之曰時歲倉卒盜賊縱橫大戟強弩不
可當賴遇賢令彭子陽

索盧放注

索盧姓也

按呂覽尊師篇索盧參東方之鉅校也其姓戰國時已
有

周嘉當下蠶室

按肉刑漢已久除惟死罪自募耳此雜傳記所說非理也

正公玄孫

正公當謂周公說文玄幽遠也玄孫猶曾孫告於遠祖之常稱注以漢封周後當之不得目爲正公若云周子南君相去不遠恐非玄孫

燕有五子皆至刺史太守

羣輔錄汝南周燕少卿之五子號曰五龍各居一里重

合令子輿

居宋里

櫟陽令子羽

居東觀里

東海太守子仲

居宜里

兖州刺史子明

居西

潁陽令子良

居遂

子孫並以儒素

退讓爲業天下著姓見周氏譜及汝南先賢傳

暢收葬洛城旁客死骸骨

寰宇記百生墓在緱氏縣東十里墓有千數皆相類對列成行在洛城之東北近洛水卽周暢之遺址也

式遂留止冢次

一統志張劭墓在汝寧府汝陽縣北鷄黍臺西二里許屍埋巨卿戶前

屍柩也埋戶前所謂假葬

禮六

晉武帝太康中前

太子洗馬濟陰郗詵寄止衛國文學講堂十餘年母亡

不致喪歸但於堂北壁外下棺謂之假葬

此亦古敢
塗之義

舉州茂才四遷

隸釋范式碑三府舉高第侍御史拜冀州刺史所謂四遷也

南陽孔嵩

一統志孔嵩舊居在南陽府南水經注三公城西有孔嵩舊居

阿里街卒

莊子徐無鬼音義渠公齊之富室爲街正買柩自代此孔

嵩亦受傭爲之而統於街彈之室也唐謂之街子

嵩爲導騎

導騎蓋辟車也輿服志大使車辟車二人周官條狼氏掌執鞭以趨辟注云若今卒辟車之爲也

卒於官

水經注金鄉山東有范巨卿冢名件猶存一統志范式墓在兗州府嘉祥縣南二十五里據碑云亂嗣罔繼則魏時立碑式已世絕也

李善
瑕巨界中

今兗州府滋陽縣

乳爲生漚

新唐書元德秀傳云初兄子襁褓喪親無資得乳媪德秀自乳之數日渾流能食乃止事與此同分別功德論云此慈念所感自然變成也

王 署恠大度亭

方輿勝覽大度亭今金堂縣也

今屬成都府

張 吳郡由拳人

按武時未分吳郡富云會稽

陸 續建武中爲尚書令

御覽三百八十吳地記曰陸闕暢子也姿容如玉威儀秀異

光武升臺見而偉之笑曰南方故多佳人

敕會稽郡獻越布

唐六典睦越二州貢交梭布按此是會稽所出名越布也北史波斯國有越諾布宋史注輦國嫁娶女家以金銀指環越諾布遺墻又層檀國貴人以越布纏頭此則外國名偶同耳

使續於都亭

陸廣微吳地記都亭橋壽夢於此置驛招四方賢客其址見在按都亭乃大守治所亭他郡皆然不獨吳也

戴濟北剛人

一統志剛縣故城在兗州府寧陽縣東北三十五里

石敬平温病卒

素問

生氣通天論

冬傷於寒春必温病

李充婦

白虎通曾子因妻蒸藜不熟而去之令其可嫁也君子於夫婦之閒雖有大故必託微譴李充苟欲自矜對眾訐斥亦異乎君子之用心

太守魯平

平魯恭傳作丕

繆舉尤異

尤異之舉是在外牧民之官非公府察舉也馮緝碑云

除廣都長郡察廉吏州舉尤異遷武陽令則尤異是州

所舉

詳見百官志疏證

其科起於章帝此上文辟公府下脫爲

縣長事

陳重
遣姊憂

日知錄古人凡喪皆謂之憂其父母喪則謂之丁大憂

見北史李彪傳

彪云朝臣丁大憂者假滿赴職衣錦乘軒

王純碑云拜郎失

妹寧歸遂釋印紱晉陶淵明作歸去來辭自序云尋程

氏妹喪於武林情在駿奔自免去職則已嫁之妹猶去

官奔喪也

雷義
默投金於承塵上

釋名宮室承塵施於上以承塵土也金石萃編武安君白
公廟記謂之蓋頂木帳

灌謁者

爾雅釋木木叢生爲灌謂木未有名猶言散木也此灌
謁者但隨輩聚處未有職事故以灌爲名

范丹少爲縣小吏

御覽

五百十六

海內先賢傳曰丹讓財千萬與二弟初學記

謝承書曰爲郡功曹每休假上下常單步策杖同類以
車馬與之不受

與漢中李固河內王奐親善

何焯曰下文王子炳卽奐字也與注所引謝承書互異
至於李公名位已高不得與史雲爲友李公被難在建
和元年去史雲歿時凡三十九年何始云今皆不在制
之在爾也王奐爲考城令以仇覽傳參校亦桓帝時事
疑史雲之友別有一李子堅史家因字與氏同遂以李
公實之按何氏所言乃鄙陋也史雲歿時年已七十四
當順桓時殆非稚齒且親從樊英馬融遊何不可與李
公爲友當日如黃叔度郭林宗參預諸公閒未聞以名
位相厭也至臨歿傷其不在追思知己何害於辭也

鄙賈偉節郭林宗焉

欽韓竊論之曰凡人志尙不同剛柔緩急難強其性要當決於義而已邠原不慕鄭君之通儒志在噉名此義之外者也史雲鄙郭賈之遊談刻意尙行此義之正者也人苟砥礪清操固窮不怨矯首塵俗則知馳騫聲華抵掌華屋之可羞仇覽第一流人也暫遊太學則正色符融之誅詞君子執守豈不符契之合哉俗眼無以史雲此事爲怪也

賣卜於市

御覽

六百九十一

謝承書曰陳留尹苞字延博與同郡范史

雲善二人俱貧出入其一禪衣到人門外苞年長先著

單衣前入須臾出解與史雲又

四百二十五

東觀記曰丹姊

病往看之姊設食丹以姊婿不德出門留二百錢姊使人追索還之丹不得已受之間里中芻橐僮僕更相怒曰言汝清高豈范史雲輩而云不盜我菜乎丹聞之曰吾之微志乃在童豎之口不可不勉遂投錢去

今殿本東觀記

脫此條

或寓息客廬

地官遺人職注廬若今野候徒有房也宿可止宿若今亭有室矣按漢制鄉亭本有客舍丹乃寓宿野廬不於亭室亦言其刻苦園師注云房廡也言但有廊屋無障

敬

遺命敕其子

按晉書隱逸傳丹之子馨其孫粲齊王芳被廢陽狂不言寢於車三十六年而卒

干飯寒水

集韻乾或從水漑通作干

戴就鉄斧

類篇以鉄鈔爲一字云泥鍤也塗工之具集韻朽又胡

瓜切兩刃雷也集云但按廣韻九麻鐸同鉄盞也說文

無鉄有鉤云鉤鉤也鉤或作鉤卽此鉄耳玉篇以鉤爲樂器非也敵

背上木刺鈕鈕卽二十七玉篇無鋏有鐔鈇字字體不

齊由來久矣

薛安庸駮

說文駮馬行乞乞也西京賦羣獸駮駮李善注韓詩章句曰趨曰駮行曰駮駮音俟後乃借爲儻儻之字禮部韻略駮癡也語駮牀史兩切

趙苞甘陸東武城人

陸當爲陵明統志武城縣在高唐州西北一百二十里

東武城故城在縣西十里

今屬東昌府

道經柳城

按續志遼西郡治陽樂縣一統志陽樂故城在永平府

撫寧縣西關外趙苞迎母到郡道經柳城則陽樂故縣

應在柳城之東今府東北口外舊志徒河今在錦州西北西

南百里有陽樂城是也豈魏晉時移此城於肥如東界

耶按柳城今爲蒙古土默特部落地

向着絳綃頭

注字當作幞按釋名綃頭綃鈔也鈔髮使上從也正作

綃字宋刻玉臺新詠羅敷歌脫帽着綃頭亦爲綃惟方

言作幞喪服注又作幰頭釋文幰七綃反亦作貂頭禮記問喪

注云今時始喪者邪巾貂頭

板乃有膝踝足指之處

詩傳啟跪也古者席地坐兩膝著地至漢始坐牀榻其兩膝跪則同故板牀有久坐之迹也朱熹白鹿禮殿塑像說跪與坐小異跪有危義故兩膝著地伸腰及股而勢危者爲跪兩膝著地以尻著蹠而稍安者爲坐也詩云不遑啟居傳以啟爲跪爾雅以妥爲安而疏以爲安定之坐夫以啟對居而訓啟爲跪則居之爲坐可見以妥爲安定之坐則跪之爲危坐亦可知兩事相似但一危一安耳今得成都府學文翁禮殿先聖先師三像木刻精巧視其坐後兩蹠隱然見於裳下然後審之岳珂

魏郟錄按符子曰太公涓釣於隱谿蹠而隱崖不餌而釣仰詠俯吟暮則釋竿其膝所處石皆若曰其跗觸崖若路此尤足以驗前說不獨管寧一事也

劉 貴子申甫

申甫种劭字

遂俱饑死

眞誥稽神樞云翊行達陽平

其地末曉翊往陳留則非漢中之陽平

遇馬

皇先生將入桐柏山中授以隱地八術服五星之華法

今度名東華來在洞中

句曲茅君洞中

爲定錄右理中監職如

司馬

王烈爲商賈自穢得免

漢制賈人不得宦爲吏御覽六百九十七晉今日占僧賣者

皆當著巾帖額題所僧者及姓名一足著黑履一足著白履此其穢賤可知也唐六典工商之家不得預於士

方術傳上

序 關扃於明靈之府

真誥稽神樞句曲山洞虛內觀內有靈府洞庭四開穴岫長連

封滕於瑤臺之上

真誥運象篇西宮是玄圃北壇西瑤之上臺也天真珍

文盡藏於此中登眞隱訣昆崙瑤臺刊定眞經之所也
遁甲

趙彥衛雲麓漫鈔甲旣不可隱何取名爲遁乃讀漢郎
中鄭固碑云逡遁退讓遁卽循字蓋古字少借用非獨
此一碑也則知遁甲當云循甲言以六甲循環推數也
孤虛

注云甲子旬中戌亥無干是爲孤也對孤爲虛按虞翻
易解謂甲子之旬辰巳虛

任文
公 湔水涌起十餘丈

明統志玉壘山在成都府灌縣西北二十九里湔水出

此又灌口山在灌縣西北二十六里漢時文翁穿湔江
溉灌故名按水經注湔水出綿虜道之玉壘山下注江
縣卽汶山郡玉壘山在今茂州保縣治綿虜道在今保
縣南湔水出此卽入江豈能遠至灌縣蓋後世以沱江
枝流別指爲湔水猶諸玉壘山更移於灌縣也一統志
清白江自灌縣南分沱江東流卽百湔水也亦誤

遂奔子公山

寰宇記思公山在壁州符陽縣北二百里其山最峻思
公水源出此山南流經縣治西又南入通江縣界又有
思公城按應卽子公山也一統志思公山在保寧府通

江縣北

忽汝南宋人

一統志新鄴故城在潁州府太和縣北建初後曰宋公國曹魏廢爲宋縣

師事東海王仲子

王仲子名璜見前書溝洫志

關東觥觥郭子橫

詩傳泐泐武貌泐觥音同

許鴻卻陂

一統志鴻卻陂在汝寧府城東十里受淮北諸水

高
獲能役使鬼神

抱朴子地真篇黃帝東到青丘過風山見紫府先生受
三皇內文以劾召萬神又遐覽篇余聞鄭君言道書之
重者莫過於三皇文五岳真形圖也受此先潔齋百日
乃可以召天神司命及太歲日遊五岳四瀆社廟之神
皆見形如人可問以吉凶安危

卒於石城

按石城縣漢志屬丹陽郡晉志屬宣城郡今池州府貴
池縣也注以爲在蘇州西南太遠貴池縣志石城故城
在縣西七十里地名鐵店

王喬顯宗世爲葉令

風俗通云尙書郎河東王喬遷爲葉令按此傳亦當有尙書郎字方與下文賜尙書官屬履事相合

號葉君祠

風俗通正失篇春秋左氏傳葉公子高退而老於葉及其終也葉人追思而立祠功施於民以勞定國兼茲二事固祠典之所先也此乃春秋之時何有近孝明乎按水經注汝水篇前旣列王喬事下云醴水又東逕葉公廟

北廟前有沈公子高諸梁碑舊秦漢之世廟道有雙闕几筵黃巾之亂殘毀隕闕然則葉公祠漢代彰明應劭

所親觀也而訛傳王喬良可怪歎史通雜說中篇云千
事旁取令升之書編簡一定膠漆不移故令俗之學者
寶搜神記乃隱應氏所通而收流俗怪說既而宋求漢
說臆履登朝則云漢書舊記遮彼虛詞成茲實錄又按
淮南齊俗訓稱王喬赤誦子高誘注王喬蜀武陽人也
爲柏人令得道而仙此則又別一王喬既非古之王子
喬又非孝明時也傳說雜出遞相傳會耳

古仙人王子喬也

真誥稽神樞

四

王子喬墓在京陵

今滎陽縣界

戰國時復有

發其墓者惟見一劍在室人適欲取視忽飛入天中

謝夷 稍遷荊州刺史

注 御覽六百三十九

會稽典錄曰有亭長姦部民者縣言和

姦上意以爲吏姦民何得言和觀刺史決當云何夷吾
呵之曰亭長詔書朱幘之吏職在禁姦今爲惡之端何
得言和切讓三老孝弟兄長罪

遷鉅鹿太守

北堂書鈔謝承書曰遷鉅鹿太守臨發陛見上賜車馬
劍革帶敕曰鉅鹿劇郡難治以君有撥煩之政特授治
爲外臺之表

通典

職官十四

或謂州府爲外臺卽據此按魏志賈逵曰州

本以御史出監諸郡

通典注云自至德以來諸道使府參佐多以省郎及御史爲之謂之

外臺則皆檢校裏行及內供奉或兼或攝

楊由蜀郡成都人也

華陽志由與何英英孫汶同志英字叔俊郫人

廣柔縣蠻夷反

明統志廣柔廢縣在茂州汶州縣西七十二里

李南明於風角

藝文類聚抱朴子曰李南乘赤馬行逢人乘白馬白馬先鳴赤馬應之南謂從者曰白馬言汝當見一黃馬左目盲是吾子可令駛行相及也須臾果逢盲黃馬赤馬

果先鳴盲馬應之

向渡宛陵浦里旂

方言方舟謂之濳注揚州人呼渡津舫爲杭荊州人呼濳說文旂方舟也韻會云通作杭集韻亦作舫又作旂
寰宇紀宣州宣城縣北浦里橋引宣城記旂作橋

本有二使星向益州分野

御覽

七百七十九

天文要節曰天節星主奉使小而明則使

中正也

宋史天文志紫薇垣兩蕃正南開如門曰闔闔有流星自門出四野者當有中使銜命視其所

往分野論之不依門出入者外蕃國使也

時大將軍竇憲納妻

按陳寵傳以爲竇憲征匈奴

數陳得失

藝文類聚李邵別傳曰邵上書太后數陳忠言其詞不能盡施用輒褒贊焉博士著兩梁冠朝會隨將大夫列時賤經學博士乃在市長下公奏以爲非所以敬儒德明國體也上善公言正月大朝引博士公府長史前

段廣漢新都人

方輿勝覽今懷安軍天慶觀卽翳故宅

宋懷安軍今成
都府金堂縣

到葭萌與吏爭渡

舊統志桔柏渡在保寧府昭化縣東北三里卽嘉陵白

水二江合流處一統志昭化縣漢葭萌縣

廩太守謁煥

廣韻風俗通云漢有汝南太守謁煥

號爲北郭先生

韓詩外傳楚莊王使使賚金百斤聘北郭先生先生入
與婦計婦曰夫子所安不過容膝所甘不過一肉以容
膝之安一肉之味而殉楚國之憂其可乎於是不應聘

折因封氏焉

廣韻折字云虜複姓折屈氏不言漢有折氏又二十三
錫析字注云姓風俗通云齊大夫析歸父疑此是析氏

也

樊英七緯

按章懷注以詩緯孝經緯在七緯之列隋志目爲雜識
而以河圖洛書足七緯之數志云梁河圖洛書二十四
卷目錄一卷亡考九經注疏及類書河圖多見引而洛
書絕少祭祀志云光武案河洛讖文又引洛書甄曜度
是河洛在漢爲讖緯正文其後郝萌合并諸讖緯又遭
梁隋明禁散亡殆盡章懷有所不知遂以詩孝經緯合
之也

隱於壺山之陽

元和志天寶元年改鄧州新城縣爲臨湍縣明志南陽府唐縣西北有大狐山亦曰壺山

北海郎宗

真誥稽神樞四郎宗遜去居華山下服胡麻丸得道今在鹿迹洞中

四年三月天子乃爲英設壇席

通鑑考異曰四年三月乃設壇場見英而黃瓊傳李固書已云樊君設壇席及瓊至上疏薦英稱光祿大夫則是瓊至之時英已嘗設壇見之而爲光祿大夫矣愚按袁宏紀永建二年英與黃瓊賀純楊厚俱徵英旣至天

子爲設壇席延問得失拜五官中郎將而范書瓊傳則
刪去樊英云瓊與賀純楊厚同徵至李固書以樊英爲
比此通鑑所以致疑也考楊厚傳以永建二年特徵而
瓊傳有稱疾不進之文未必與厚同時詣闕又瓊疏云
永建以後訖於今日則其時已非永建可知帝紀陽嘉
三年詔以久旱京師諸獄皆勿考瓊傳三年大旱復上
疏應卽陽嘉三年據帝紀連有災異惟陽嘉改元爲甚
則瓊兩上疏皆是陽嘉時事以此觀之英召自在前永
建四年設壇場事不相妨無容疑也袁紀云二年此傳
有二年四年之間袁紀於始便竟其事耳實在四年也

孫陵爲司徒

錢大昕曰中平五年永樂少府樊陵爲太尉非司徒也
傳誤沈字曰此傳稱魯陽人而靈帝紀注樊陵湖陽人
亦誤

陳郡卻巡

御覽

三百七十三

英別傳曰巡字仲信陳郡陽夏人太平廣

記英別傳曰英嘗忽被髮拔刀斫擊舍中妻怪問其故
英曰郗生道遇鈔賊郗生者名巡是英弟子時遠行後
說於道中逢賊賴一被髮老人來相救故得免

方術傳下

唐檀名爲唐子

隋志道家唐子十卷吳唐滂撰不云唐檀

公沙穆 居建成山中

一統志公沙山在平度州北十八里相傳漢公沙穆居此

隱居東萊山

一統志萊山在登州府黃縣東南二十里

六子皆知名

按六當作五羣輔錄云公沙紹字子起紹弟孚字允慈孚弟恪字允讓恪弟達字義則達弟樊字義起右公沙

穆之五子並有令名京師號曰公沙五龍天下無雙按
公沙孚事別見荀爽傳

許曼祖父峻字季山

風俗通

怪神篇

魯相右扶風臧仲英家數有怪汝南許季

山素善卜卦言家富有老青狗物內中婉御者益喜與
爲之誠欲絕殺此狗遺益喜歸如其言因斷無纖介

乃謁太山請命

博物志泰山一曰天孫言爲天帝孫也主召人魂魄

魏志

管輅傳但恐至泰山治鬼列真誥闡幽微云羅酆山在
異傳蔣濟兒亡爲泰山伍伯

北方癸地爲六天鬼神之宮第一宮名爲紂絕陰天宮

人初死皆先詣紂絕陰天宮中受事或有先詣名山及泰山江河者不必便徑先詣第一天要受事之日罪考吉凶當來詣此按如彼文則泰山僅其分職也

所著易林

隋志易新林一卷後漢方士許峻等撰

趙彥莒有五陽之地

注謂城陽南武陽開陽陽都安陽並近莒按續志城陽

郡已省旁郡又無安陽縣

一統志安陽城在曹州府曹縣東史記宋義救趙行至安

陽者也去莒甚遠非也

且莒僅一縣注雜取旁郡以充五陽之數

乖矣此必地勢合於陰陽納甲者不可強解

從孤擊虛以討之

御覽

三百二十六

六韜曰從孤擊虛高入無徐一女子當百

夫吳越春秋計碗曰孤虛者謂天門地戶也

西北爲天門東南爲

地戶亦見閩廬內傳

董與鄉人任安齊名

北堂書鈔益部耆舊傳曰董扶發辭抗論益部少雙故時號曰談止言凡善談者遇之則止人莫能伍

郭玉漁釣於涪水

一統志涪水在綿州東自龍安府彰明縣流入又東南入潼州府界亦謂之內水

學方診六微之技

三陰三陽之脈候也素問有六微旨大論言天道六六之節盛衰與人相應金匱要略藏府篇人有六微微有十八病合爲二百八病五勞七傷六極

陰陽隱側之術

素問陰陽類論黃帝曰三陽爲父二陽爲衛一陽爲紀三陰爲母二陰爲雌一陰爲獨謂太陽陽明少陽太陰少陰厥陰也脈經云三陽從天生三陰從地長難經六十七難云陰病行陽陽病行陰故令募在陰俞在陽楊玄操注云腹爲陰五藏募皆在腹故云募在陰按募與膜同俞者穴也五藏俞皆

在背故云俞在陽內藏有病則山行於陽陽俞在背也
外體有病則入行於陰陰募在腹也鍼法云從陽行陰
從陰引陽也

鍼有分寸

靈樞九鍼十二原篇九鍼之名一曰鑱鍼長一寸六分
二曰員鍼長一寸六分三曰鍤鍼長三寸半四曰鋒鍼
長一寸六分五曰鈹鍼長四寸廣二分半六曰員利鍼
長一寸六分七曰豪鍼長三寸六分八曰長鍼長七寸
九曰大鍼長四寸鑱鍼者頭大末銳去寫陽氣員鍼者
鍼如卵形揩摩分開不得傷肌肉以寫分氣鍤鍼者鋒

如黍粟之銳三按脈勿陷以致其氣鋒鍼者刃三隅以發痼疾鉞鍼者末如劍鋒以取大膿員利鍼者大如釐且員且銳中身微大以取暴氣豪鍼者尖如蚊虻喙靜以徐往微以久留之而養以取痛痺長鍼者鋒利身薄可以取遠痺大鍼者尖如挺其鋒微員以寫機關之水也

時有破漏

素問診要經終篇春刺散俞夏刺絡俞時有不同也

華佗心識分銖

陶隱居名醫別錄云古秤惟有銖兩而無分名今則以

十黍爲一銖六銖爲一分四分成一兩

鍼灸不過數處裁七八九

南監本作七八丸丸字爲是此專言灸也魏志云若當灸不過一兩處每處七八壯今醫書通用壯字闕本脫裁七八九四字

先目酒服麻沸散

傷寒論太陽病第三篇亦有麻沸湯與此異也李時珍綱目坐挈草危氏得效方麻藥煮酒方中用之輟耕錄漢北回回地方有草名押不蘆土人以少許磨酒飲卽通身麻痺而死加以刀斧亦不知昔華佗能刳腸滌胃

豈不有此等藥耶

注

他令坐石槽中且用寒水汲灌

按此與南齊書褚淵傳後載徐嗣伯療愴父病相類彼云百瓶此云百灌耳

賣餅人萍齋甚酸

陶弘景藥總訣云麩店蒜齋乃是下蛇之藥卽是指此云萍齋誤

注

縣吏尹代苦四肢煩口中乾不欲聞人聲小便不利

金匱要略消渴篇云脈浮小便不利微病消渴者宜利小便發汗五苓散主之傷寒論太陽病中風小便利者可治

注

不汗後三日死

金匱要略藏府篇脣口青身冷爲入藏卽死如身和汗自出爲入府卽愈素問陰陽別論云死陰之屬不過三日而死心之肺謂之死陰

馬時注本經屬陰而以尅我者來尅之謂之死陰

注

藏氣已絕於內

素問陰陽別論脈有陰陽所謂陰者眞藏也見則爲敗
敗必死也所謂陽者胃脘之陽也別於陽者知病處別
於陰者知死生之期肝至懸絕急十八日死心至懸絕
九日死肺至懸絕十二日死腎至懸絕七日死脾至懸絕
四日死靈樞邪氣藏府病形云心脈微大爲心痺引背
善淚出本神篇心氣虛則悲此佗云當啼泣而
絕則心
藏疾也

注

尋當下之延當發汗

金匱要略瘧溼暍病篇云瘧爲病胸滿口噤臥不著席

腳攣急必齟齒可與大承氣湯

此下溼家身煩疼可與

麻黃加朮湯發其汗爲宜又痰飲篇云飲水流行歸於四肢當汗出而不汗出身體疼重謂之溢飲病溢飲者當發其汗大青龍湯主之小青龍湯亦主之欬逆倚息不得臥其形如腫謂之支飲支飲胸滿者厚朴大黃湯主之

此亦下之

是則內實者宜下外實者宜汗也

佗以爲盛怒則差

此與呂氏春秋至忠篇文摯治齊王同御覽七百三十八物理論又以爲扁鵲

有李將軍者

抱朴子說此事云卽李通

侘目為腸癰

金匱要略瘡癰篇腸癰之為病其身甲錯腹皮急按之

濡如腫狀腹無積聚身無熱脈數此為腸內有癰膿以

薏附子敗醬散主之

本草經敗醬似桔梗其根如敗豆醬李時珍曰俗名苦菜

廣陵吳普

蜀本草經注普撰本草一卷政和證類本草補注云普

修神農本草成四百四十一種其說藥性寒溫五味最

為詳悉唐書于志寧傳帝曰本草別錄何為而二對曰

班固惟記黃帝內外經不載本草至齊七錄乃稱之世

謂神農嘗藥以拯含氣而黃帝以前文字不傳以識相

付至桐雷乃載篇冊然所載郡縣多在漢時疑張仲景
華佗竄記其語別錄者魏晉以來吳普李當之所記其
言華葉形色佐使相須附經爲說故引景合而錄之帝
曰善其書遂大行

血脈流通病不能生

金匱藏府篇四肢纔覺重滯卽導引吐納鍼灸膏摩勿
令九竅閉塞素問異法方宜論痿歷寒熱其治宜導引
按躄

名五禽之戲

眞誥協昌期云大洞眞經有精景按摩篇昔鄧雲山停

當得道頓兩手不授吾使人語之

保命茅君言

令灸風洄曲

津兩處耳六七日閒便得作五禽按摩也唐六典太常寺有按摩博士掌教按摩生以消息導引之法以除人八疾風寒暑溼飢飽勞逸梁肅集導引圖序原其所出皆以岐伯爲祖有浮山隱居朱少陽者得其術於黃帝外書又加以元化五禽之說乃志其善者演而圖之則五禽戲與岐伯所傳又別也

因目著粉

著粉者汗出恐風溼反入毛孔著粉使易燥也齊民要術有作米粉法云染米第一粟米第二浸水至臭爛日

滿更汲新水沃之淘盡氣乃止著砂盆中熟研以水攪
取白汁絹袋濾別甕中良久清澄其中心圓如鉢形似
鴨子白光潤者名曰粉英作香粉以其粉摩身體是古
用米粉摩搯今則惟用綠豆粉也

鍼之不可過四分

靈樞九鍼篇鍼太深則邪氣反沈病益小鍼解云言淺
浮之病不欲深刺深則邪氣從之入故曰反沈也又官
鍼篇疾淺鍼深則內傷良肉皮膚爲癰病深鍼淺病氣
不寫支爲大膿病小鍼大氣寫太甚疾必爲害病大鍼
小氣不寫泄亦復爲敗

巨闕胷藏

馬蒔經脈篇注巨闕任脈穴臍上六寸五分先徵士詳釋骨云口自結喉下四寸至肩端前橫而大者曰巨骨其半環中斷者曰缺環骨此巨闕蓋指臍上穴也素問診要經終篇凡刺胸腹者必避五藏

阿從佗求方

抱朴子雜應篇余見戴霸華佗所集金匱綠囊則佗方尙傳世也

漆葉青麩散

按本草圖經青麩或云卽黃精之正葉陳藏器本草黃精葉偏生不對

者名偏精功用不如陳藏器云青黏一名黃芝一名地

正精正精葉對生節此卽萎蕤別錄萎蕤亦名地節極似偏精主聰明調血氣令人

強壯卽漆葉爲散服主五藏益精去三蟲輕身不老惟

有熱不可服晉稽紹有胷中寒疾每酒後苦唾服之得

愈廣東新語蕤補益之功逾黃精方家稱黃芝亦曰青蕤以漆葉同爲散可以延壽李時珍曰

蘇頌注黃精疑是青黏與此說不同登真隱訣有太極真人青精飢飯方

真誥云青飢是南燭飢音信按本草卽南天燭人家庭除所植者是也此與青黏異抱朴子至理

篇樊阿服之得壽二百歲而耳目聰明猶能持鍼以治

病

漆葉屑一斗

錢大昕曰斗當依魏志作升漢隸斗作升與升字似故
易混

徐登閩中人也

按漢無閩中縣前志治本閩越地續志云章安故治閩
越地又永和三年以章安東甌鄉爲永寧縣今續志脫
誤以沈約志考之後分治地爲會稽東南二部都尉東
部臨海是也南部建安是也又以元和郡縣志考之溫
州本會稽東部台州漢立東部都尉本回浦鄉後漢改
回浦爲章安縣則晉之永嘉臨海郡皆漢之東部於前
爲東甌故國也晉志云建安郡故秦閩中郡漢武滅閩

越徙其人名爲東冶又更名東城後漢改爲候官都尉
續志無候官都尉之名卽南部都尉故閩越國於晉爲
建安晉安二郡也徐登閩中人此史不能決其所在而
泛指之非也章懷注云閩中地今泉州按元和志陳爲
泉州隋爲閩州武德六年改爲泉州舊唐志貞觀初改
景雲二年又爲閩
州開元十三年改爲福州以後之福州唐初之泉州也
今之泉州舊唐志云聖曆二年分泉州之南安莆田龍
溪三縣置武榮州景雲二年改爲泉州

東陽人

漢亦無東陽孫皓始分會稽爲東陽郡此雜鈔他書而

忘其與漢不相當

乃禁溪水水爲不流

抱朴子至理篇近世左慈趙明明卽等以氣禁水水爲

之逆流一二丈又以氣禁沸湯手不灼禁露水大寒不

冰又能禁一里中炊者盡不得熟禁犬令不得吠

但行禁架所療皆除

素問移精變氣論黃帝問曰古之治病惟其移精變氣

可祝由而已注祝由以咒禁祓除邪魅之爲厲者是則禁架之術最古也

抱朴子至理篇越有禁咒之法以氣禁白刃則可蹈之

不傷刺之不入若人爲虺蛇所中以氣禁之則立愈唐

六典太醫令屬有咒禁博士其法以五神神之一曰存

思

道家守一
臥斗之類

二曰禹步

道家罡
步之法

三曰營目

日觀五
星之類

四曰

掌決

五雷法詳見
白玉蟾集

五曰年印

刻藁木
爲印

鄭曉吾學編太醫

院醫術十三科其末曰按摩曰祝由凡聖濟殿番直擇
術業精通者供事

立祠堂於永康

按州郡志永康乃吳赤烏八年所立屬東陽郡此當作
永寧水經注亦曰永甯寰宇記婺州永康縣金勝山在
縣東五十里山有趙炳祠

費長房

惟長房於樓上觀之

周官司市注思次若今市亭也三輔黃圖市樓皆重屋
旗亭樓有令署以察商賈貿易之事則凡市有樓長房
爲市掾居樓上故得窺

旨酒甘肴盈衍其中

抱朴子金丹篇轉五石丹成五色欲致行廚取黑丹和
水以塗左手其所求如口所道皆自至又云仙道成玉

女來侍可役使致行廚

按真誥稱神樞云施存者齊人
也自號盆子得遁變化景之道

今在中岳或少室往有壺公正此
人也水經注汝水篇作王壺公

翁乃斷一青竹

雲笈七籤尸解神杖法赤書玉訣云嘗取靈山向陽之

竹令長七尺有節作神杖使上下通直甘竹乃佳通思
五帝引五方氣行此道九年神眞見形杖則載人空行
若欲尸解杖則代形

朽索懸萬斤石於心上

眞誥甄命授云昔中山劉偉道學仙在蟠冢山積十二
年仙人試之以石十萬斤一白髮懸之使偉道臥其下

偉道顏無變色心安體悅臥在其下積十二年

按神仙
爲此言

殆未受釋迦入
關不妄語之戒

恨於此不成如何

眞誥甄命授云仙道十二試昔青烏公身受明師之教

入華陰山中學道積四百七十一歲十二試之有三不
過後服金鈞而升太極太極道君以爲試三不過但仙
人而已不得爲真人

又爲作一符

神仙傳今世所有召軍符召鬼神治病玉府符皆出自
公故總名壺公符真誥云施存行玉斧軍火符是其所
授之枝條也

見其在千里之外者數處焉

抱朴子遐覽篇變化之術大者惟有墨子五行記其法
用藥用符乃能令人飛行上下隱淪無方含笑卽爲婦

人蹙面卽爲老翁畫地爲河撮壤成山其次有玉女隱微一卷亦化形爲飛禽走獸分形爲千人其淮南鴻寶萬畢皆無及此書者也

蒯子蒯子有神異之道

御覽三百七十三許邁別傳曰蒯子訓齊人有神術人髮白者請子訓但與對坐其語宿昔閒髮皆黑

後因遁去

以上苑書所記非實錄也神仙傳云諸貴人各自絕客灑掃至時子訓果來凡二十三家各有一子訓諸朝士各謂子訓先到其家明日至朝各問子訓何時到宅二

十三人所見皆同時京師大驚異諸貴人並欲詣子訓
子訓曰諸貴人謂我重瞳八采故欲見我今見我矣我
亦無所能論道吾去矣抱朴子地真篇玄一之道亦要
法也無所不辟與真一同功守玄一并思其身分爲三
人三人已見又轉益之可至數十人皆如己身隱顯皆
自有口訣此所形分之道左君及蘄子訓葛仙公所以
能一日至數十處

劉根
潁川人也

按神仙傳劉根字君安京兆長安人以漢孝成皇帝綏
和二年舉孝廉除郎中其本末灼然如此范史謬說

太守史祈

神仙傳根後棄世學道入嵩高山石室至王莽時頻使使者請根根不肯往後太守張府君以根爲妖遣吏召根擬戮之云云此云史祈又非也

皆反縛在前向根叩頭

真誥稽神樞云二天宮立一官

主治鬼神之六天

六天凡立爲

三官三官如今刑名之職主諸考謫常以真仙司命總

御之

道家常呼三官者此也而消魔經云岱宗又有左火官右水官及女官亦名三官今三茅君通掌

之所以隸仙官者以爲天下人不盡皆死其中應得真仙則非北帝所詮或有雖死而神化反質者如此司命之職應然則根以仙品而總攝三官故得呼召亡魂也

太守之父祖亡已數十年魂魄猶未散者真誥闡幽微
又云有蕭邈之才絕眾之望養其浩然不營榮貴者既
終受三官書爲善爽之鬼四百年乃得爲地下主者有
至貞至廉之才既終受書爲三官清鬼二百八十年乃
得爲地下主者從此以漸得進補仙官今此守之先人
或有德行故其鬼得返形散處也

左 吳松江鱸魚耳

孔平仲談苑松江鱸魚長橋南所出者四腮味美橋北
近崑山大江入海所出者三腮味帶鹹不及松江所出
百官莫不醉飽

神仙傳爲慈在荊州刺史劉表時事慈詣表云有薄禮
餉軍表使視之有酒一升器盛脯一束而十人共舉不
勝慈乃自出取之以刀削脯投地請百人奉酒及脯以
賜兵士凡萬餘人皆周足而器中酒脯如故賓客皆得
大醉

霍然不知所在

抱朴子雜應篇鄭君云服大隱符十日欲隱則左轉欲
見則右迴吾不能知左君所施何事自用六甲變化其
真形不可得執也按神仙傳云慈學道尤明六甲能役
使鬼神坐致行廚真誥稽神樞左慈今在小括山常行

來數在此

按此是茅君語許長史

尋更受職也慈顏色甚少正得

爐火九華之益

慈李仲甫弟子葛玄之師建安末渡江尋山仍得入洞又乞丹砂合九華丹九

華丹是太清中經法小括卽小括蒼山在永嘉橋谿之北一統志小括山在處州府麗水縣西二里

計子勳上成公

計子勳卽前薊子訓耳傳說異范史誤復舉上成公事

見博物志及抱朴子

至理篇

彼作卜成考廣韻以上成爲

複姓蓋訛上爲卜

解奴辜張貂

奴辜能變易物形以誑惑人

眞誥云服靈飛六甲得道能數變形爲鳥獸

有壽光侯者

注云壽姓也王應麟姓氏急就篇承此誤錢大昕曰壽
光國名光武封更始子鯉爲壽光侯又北海王普初封
壽光侯是也此侯失其姓名故舉其爵下云侯爲劾之
侯復劾之可證注以壽爲姓之誤按御覽八百七十神仙傳
漢章帝問劉馮曰殿下有怪常著朱衣被髮持燭相隨
而走爲可劾否與此事悉同則壽光侯者劉馮也太平
廣記十一劉憑者沛人有軍功封壽光金鄉侯學道於稷
丘子以下事悉與此同范史旣不得其姓名章懷謬說
錢氏雖知其非而不能舉其人以質之信考古之難也

始甘

抱朴子雜應篇甘始法召六甲六丁玉女各有名字因以祝水而飲之亦可令牛馬皆不飢也

甘始元放延年皆爲操所錄

錢大昕曰元放左慈之字事已見前此元放二字衍操不稱姓亦脫文按范於此傳例自華佗以後皆附於傳末總爲一篇後刊本誤分列耳非衍文亦非脫字

注

姓韓字雅

按魏志注作字世雄

郝孟節上黨人

博物志陽城有郝儉又云王使郝孟節主領諸人孟節

郝儉字非上黨人也

抱朴子亦云
潁川郝儉

魏志注郝爲卻

噉舌下泉咽之

黃庭內景經丹田之中精氣微玉池清水上生肥

可至五十年

抱朴子論仙篇陳思王釋疑論云武皇帝試左慈等令

斷穀近一月而顏色不減氣力自若常云可五十年不

食真誥甄命授云經曰得道者皆隱穀蟲之法而見三

尸之術夫穀蟲死則三尸枯三尸枯自然落矣

按此有
脫文當

云自然
落死藉

北海王
和平 言其尸解

尸解之說復有多條品格各別真誥甄命授云尸解之

仙不得御華蓋乘飛龍登太極遊九宮

此謂自然尸解
爲地下主者之

類非託化遜
變之例也

又運題象

四

云人死必視其形如生人皆

尸解也視足不青皮不皺者亦尸解也目光不毀無異

生人頭髮盡脫而失形骨者皆尸解也若其人暫死適

太陰權過三官者肉旣灰爛血沈散者而猶五藏自生

白骨如玉七魄營停三魂守宅或二三十年隨意而出

卽更收血育肉生津成液復質成形乃勝於昔未死之

容也真人鍊形於太陰易貌於三官者此之謂也

按此
是上

品尸解上登太極授書爲真人其用他藥得尸解非是用靈丸之化者

皆不反故鄉三官執之也

按許映得道於赤山中三官都禁左邱遺典柄侯周魴主

非使者嚴白虎來於赤山即欲執之以去且詰其罪狀茅長君乃遣中候李遵握火口呵攝之魴及白虎乃走

按辛亥子溺死秦川則水解也甯生服石腦而火焚則

火解也司馬季主服靈散潛升首足異處則兵解也九

華安妃謂楊羲曰可尋劍解之道作告終之術是劍解

也

魏夫人傳化劍而去

上尸解爲飛仙白日去者也中品尸解爲

地真夜半去者也下尸解爲地下主者向暮去者也陰

長生自序云上古仙者矣但漢興以來四十五人連余

爲六矣三十人尸解餘並白日仙去

榜嚴經仙人有八種服餌堅固地行

仙塗藥飛行仙金石游行仙動止堅固通行仙咒禁道
行仙思念照行仙交通行仙變化絕行仙此皆有神通

後漢書疏證卷九